

詩

毛

氏

學

詩毛氏學八

國風八

齊

左傳爲之歌齊曰美哉泱泱乎大風也哉表東海者其太公乎國未可量也○詩譜云齊者古

少皞之世爽鳩氏之墟周武王伐紂封太師呂望於齊是謂齊太公地方百里都營邱周公致太平數定九畿復夏禹之舊制成王用周公之法制廣大邦國之境而齊受上公之地更方五百里其封域東至于海西至于河南至于穆陵北至于無棣在禹貢青州岱山之陰維淄之野其子丁公嗣位于王官後五世哀公政衰荒淫怠慢紀侯譖之於周懿王使烹焉齊人變風始作○地理志齊郡臨淄縣師尚父所封王氏曰卽營邱也

雞鳴思賢妃也哀公荒淫怠慢故陳賢妃貞女夙夜警戒相成之道焉

雞既鳴矣朝既盈矣匪雞則鳴蒼蠅反之聲

雞鳴而夫人作朝盈而君作鄭曰雞鳴朝盈夫人也

孔曰書傳說夫人御于君所之禮云大師奏雞鳴於階下夫人鳴玉佩於房中此說夫人相警戒不必待

告方起○陳曰書大傳又云然後應門擊柝告辟也

然後少師奏質明於階下鄭注應門朝門也辟啓也

此傳所謂朝也蒼蠅之聲有似遠雞之鳴韓詩云雞遠盈而君作也

東方明古音矣朝既昌矣匪東方則明月出之光

東方明則夫人纚笄而朝孔曰列女傳稱纚笄而朝則有君臣之嚴謂朝於夫

非自聽朝已昌盛則君聽朝鄭曰東方明朝既昌亦夫人也君也可以朝之

常禮君日出而視朝見月出之光以爲東方明季本曰此幸其尚早之辭也

蟲飛薨薨甘與子同夢

古音萌

會且歸矣無庶子子憎

曾聲

古之夫人配其君子亦不忘其敬

昶按此章夫人又言天明百蟲咸動

若與子甘眠不起則必見憎於人

是謂不忘其敬毛傳釋義不釋辭會會於朝也卿大

夫朝會於君朝聽政夕歸治其家事

蘇曰羣臣亦欲退朝而歸治其

家無庶子子憎無見惡於夫人

鄭曰庶衆也○昶按猶言無播其惡於衆

也予者與也貽也謂無當衆而貽子以可憎之名視朝太晏人必謂我甘與子同夢是見惡及於夫人可

恥就甚○孔叢子云於雞鳴見古之君子不忘其敬也

雞鳴三章章四句

朱曰賦也

還

音旋

刺荒也哀公好田獵從禽獸而無厭國人化之

遂成風俗習於田獵謂之賢閑於馳逐謂之好焉鄧元

錫曰刺禽荒也言俗好獵不言君從禽斯風人之旨哉

子之還兮遭我乎徯乃刀反之閒兮並驅從兩肩兮揖我

謂我儂許全反兮

還便捷之貌徯山名漢志徯作嶢○鄭曰士大夫俱出田獵而相遭也○說文徯山

地在齊從逐也小爾雅同獸三歲曰肩說文引作研云研儂三歲豕肩相及也

利也鄭曰併驅而逐二獸子則揖耦我謂我儂譽之也譽之者以報前言還也

子之茂兮遭我乎徯之道徒首反兮並驅從兩牡兮揖我

謂我好許九反兮

茂美也陳曰美者謂習於田獵

子之昌兮遭我乎徯之陽兮並驅從兩狼兮揖我謂我

臧兮

昌盛也狼獸名

孔曰釋獸舍人曰狼牡名獾牝名獵絕有力者名迅臧善

也

輔廣曰古者四時各有田獵所以奉順天時發抒民氣而以之習戎事備典禮也然或耽樂於此則

先王必以為戒今齊以游畋成俗互稱譽其便捷輕利則其心荒肆矣

還三章章四句

朱曰賦也

箸刺時也時不親迎也

郝敬曰齊俗皆不親迎但俟婦於家故詩人託為新婦之

言以刺廢禮

俟我於箸乎而充耳以素乎而尚之以瓊華音乎而

俟待也門屏之間曰箸

釋宮門屏之間謂之宁素象

璚

孔曰士以象為璚

瓊華美石士之服也

胡曰冠冕皆可言服禮人君冕而親

迎士昏服爵弁周禮冕弁皆用玉則瓊華等自是冕弁之飾尚加也

俟我於庭乎而充耳以青乎而尚之以瓊瑩乎而

青青玉孔曰謂以青玉為瑱瓊瑩石似玉說文瑩玉色也一卿

大夫之服也孔曰序言時不親迎則於貴賤皆不親

章為一人非以瓊華瓊瑩之異而知其異人也

俟我於堂乎而充耳以黃乎而尚之以瓊英音央乎而

黃黃玉瓊英美石似玉者陳曰英者瑛之借字說文瑛玉光也瑛本為玉光引

申為石之似玉猶瑩為玉色引申為石之次玉人君之服也呂曰昏禮婿往

雁御輪先歸婦至婿揖婦以入及寢門揖入升自西階齊人既不親迎故但行婦至婿家之禮俟于著者

俟于門外揖婦以入之時也俟于庭在大門之內寢門之外此及寢門揖入之時也俟于堂升階而後至

堂升自西階之時也○和按魯哀公疑冕而親迎爲已重故當時廢而不行位愈尊則愈亢士俟于箸卿大夫俟于庭人君俟于堂此必春秋時通行之禮毛義至精足補傳記之闕因箸庭堂而知有卑尊之次也服字統釋

充耳瓊瑛等

箸三章章三句

朱曰賦也

東方之日刺衰也君臣失道男女淫奔不能以禮化

也

孔曰陳君臣盛明化民以禮之事以刺當時之衰

東方之日兮彼姝者子在我室兮在我室兮履我卽兮

興也日出東方人君明盛無不照察也

陳曰經以日月爲興傳本

序言君臣有道則下之人自無淫奔之男女此陳古刺今也○和按日月之在東方皆當極盛之時與序

刺衰意

姝者初昏之貌

陳曰探下在室立訓○和按男有室曰在室明非淫奔

履禮也

釋言文○陳曰即就也禮我猶我禮言我以禮而殊者始成就此昏禮刺今之不能以禮

化見衰

東方之月兮彼姝者子在我闥

他達反

今在我闥兮履我

發兮

月盛於東方君明於上若日臣察於下若月也

陳曰十月

之交傳日君道月臣道亦以日月喻君臣明察者謂能以禮化之也闥門內也韓詩門曰闥○胡曰切言之闥為小門渾言之則門以內皆為闥發行也陳曰言姝者必待禮而行也

東方之日二章章五句

東方未明刺無節也朝廷興居無節號令不時挈壺

氏不能掌其職焉

鄭曰挈壺氏掌漏刻者

東方未明彌郎反顛倒衣裳顛之倒之自公召之

上曰衣下曰裳

鄭曰挈壺氏失漏刻之節東方未明而以為明故羣臣促遽顛倒衣裳羣

臣之朝別色始入○嚴曰哀公與居無節詩人歸咎於司漏者以諷之杜黃酌而飲師曠李調乃所以規也晉平

東方未晞顛倒裳衣倒之顛之自公令力珍反之

晞明之始升

馬曰晞者昕之假借說文昕日明日將出也讀若希

令告也釋詁文○

陳曰告與誥通

折柳樊圃狂夫瞿瞿

音不能辰夜

音不夙則莫

柳柔脆之木

說文柳少楊也段注楊之細莖小葉者曰柳

樊藩也釋言圃

菜園也折柳以為藩園無益於禁矣

陳曰傳言此以為無守之者喻

瞿瞿無守之貌

陳曰檀弓瞿瞿如有求而不得玉藻視容瞿瞿鄭注不審貌與詩瞿瞿同

傳云無守之貌者序所謂不能掌其職也○昶按古狂夫疏闕令其職掌刻漏雖瞿瞿注視必不能審

者有挈壺氏以水火分日夜以告時於朝

孔曰謂以水為漏夜

則以火照之冬則冰凍不下又當置火於傍用水用火晝夜共為百刻分其數以為日夜以告時節於朝

職掌如此今此狂夫瞿瞿志無所守分日夜辰時馬則參差不齊告時節則早晚失度故責之也

廣雅時伺也伺即司也察也莊子夙早莫晚也不能見卯而求時夜崔注時夜司夜

時節此夜之刻漏不太早則太晚○蘇曰為政必有節及其節而為之則用力少而事舉苟為無節緩急

皆所以害政也

東方未明三章章四句

朱曰前二章賦末章比也

南山刺襄公也鳥獸之行淫乎其妹大夫遇是惡作

詩而去之

鄭曰襄公之妹魯桓公夫人文姜也襄公素與淫通及嫁公謫之公與夫人如齊夫

人慙之襄公襄公使公子彭生乘公而搯殺之夫人久留於齊莊公即位後乃來猶復會齊侯于濇于祝丘又如齊師齊大夫見襄公行惡如是作詩以刺之又非魯桓公不能禁制夫人

南山崔崔雄狐綏綏魯道有蕩齊子由歸既曰歸止曷

又懷止

興也南山齊南山也

朱右曾曰卽牛山左思齊都賦云牛嶺鎮其南崔崔高

大也國君尊嚴如南山崔崔然雄狐相隨綏綏然無

別失陰陽之匹

陳曰有狐傳云匹行卽此傳相隨之義隨與綏聲相近○李樛曰鳥獸之

雄惟雌之匹而無別也

蕩平易也齊子文姜也

鄭曰言文姜旣以禮從此道嫁

於魯懷思也

釋詁文

葛屨

九具反

五兩冠綏

如誰反

雙

古音書容反

止魯道有蕩齊子

庸止既曰庸止曷又從止

葛屨服之賤者

士冠禮記云屨夏用葛○馬曰兩者緇之借字說文緇屨兩枚也○昶按

言五兩者取十枚之數

冠綏服之尊者

呂大臨曰屨與屨為耦冠綏之雙亦自為耦襄

公文姜非其耦也○馬曰內則疏結纓領下以固冠結之餘者散而下垂謂之綏綏以雙垂為飾飾必兩

始成用○昶按此言無論卑尊各有配耦不容紊也

庸用也

陳曰庸即上章之由由亦用也孟子

山徑之蹊間介然用之而成路與此傳用字義合○馬曰說文從隨行也桓十八年公與夫人姜氏如齊

詩云從止正指從公如齊而言

執麻如之何衡

音從反足容

其畝

滿以反

取妻如之何必告

父母既曰告止曷又鞠止

藝樹也

說文藝種也

衡獵之從獵之種之然後得麻

陳曰獵與

躡通齊民要術云凡種麻耕不厭熟縱橫七徧以上則麻無葉也正合毛說衡從其畝然後藝麻以興告

父母廟乃

必告父母廟

孔曰曲禮齋戒以告鬼神是娶妻自有告廟之法○季本

曰桓公娶時父母已歿故云告廟

鞠窮也

陳曰言夫道窮

析薪如之何匪斧不克取妻如之何匪媒不得既曰得

止曷又極止

克能也

釋言文

極至也

釋詁文○昶按曷又極止猶言曷爲而至於此

南山四章章六句

甫田大夫刺襄公也無禮義而求大功不修德而求

諸侯志大心勞所以求者非其道也

孔曰國語云齊莊僖於是乎小

伯襄卽莊孫僖子以父祖已作盟會之長故欲求爲
霸也○錢澄之曰襄公卽位之四年師于首止殺鄭
子亶五年遷紀八年滅紀九年伐衛納惠公十二
年降邾是年冬卽遇弑此其求大功求諸侯之據

無田甫田維莠

羊九反

驕驕無思遠人勞心忉忉

刀音

興也甫大也

釋詁文

大田過度而無人功終不能獲

馬曰

說文引周書畋爾田云畋平田也上田字卽畋之省借平田卽治田也

忉忉憂勞也

釋訓

憂也言無德而求諸侯徒勞其心忉忉耳

鄭曰興者喻人君欲立功

致治必勤身修德積小以成高大○鹽鐵論云今中國弊落不憂務在邊境意者地廣而不耕多種而不

耨費力而無功詩云無田甫田維莠驕驕其斯之謂與

無田甫田維莠桀桀無思遠人勞心怛怛

日末反

桀桀猶驕驕

胡曰上章驕驕法言作喬喬爾雅喬高也桀桀亦高出之義

怛怛猶

忉忉也陳曰匪風傳恒傷也

婉兮變力轉反今總角音宦今未幾見兮突而弁皮眷反兮

婉孌少好貌陳曰婉孌疊韻總角聚兩髦也孔曰未

角言總聚其髦以為兩角也丗幼穉也陳曰當依唐石經作十五

風說文以為古卯字穀梁傳羈貫弁冠也陳曰正義

成童貫亦丗也與傳幼穉之訓合弁冠也陳曰正義

突如突然也古冠弁通稱言幼穉之人突而加冠所以刺襄公志大之意哀十三年穀梁傳黃池之會吳

子欲因魯之禮因晉之權而請冠端而襲吳王夫差曰好冠來孔子曰大矣哉夫差未能言冠而欲冠也

按吳子會晉魯不修德而求諸侯故孔子謂其未能言冠而欲冠與詩言齊事相同

甫田三章章四句
廬令音零刺荒也襄公好田獵畢弋而不修民事百姓

苦之故陳古以風焉

鄭曰畢噶也弋繳射也○孔曰釋天噶謂之畢郭注掩兔之畢

或呼為噶因星形以名之○何楷曰國語管子皆稱襄公田獵畢弋不聽國政公羊傳莊四年公與齊侯

狩于郕左傳莊八年齊侯田于貝邱此足為襄公好田之明證

盧令令其人美且仁

盧田犬

孔曰戰國策云韓國盧天下之駿犬也

令令纓環聲

孔曰此言鈴鈴下言

環鉤鈴鈴卽是環鉤聲之狀環在犬之領下如人之冠纓然故曰纓環聲也

言人君能有

美德盡其仁愛百姓欣而奉之愛而樂之順時遊田

與百姓共其樂同其獲故百姓聞而說之其聲令令

然陳鵬飛曰此詩與孟子言今王田獵於此百姓聞王車馬之音見羽旄之美舉欣欣然有喜色同意

盧重

直龍反環古音

其人美且鬣

音權

重環子母環也

孔曰謂大環貫一小環也

鬢好貌

胡曰陳風碩大且卷傳卷好貌

釋文一作嫵是嫵與鬢同又省作卷

盧重鉤

音梅

其人美且偲

讀才

鉤一環貫二也

說文鉤環也一環貫二

孔曰謂一大環貫二小環

偲才也

鄭

才多才也○陳曰說文彊也廣雅倂也義並相近○陳啓源曰此詩陳古以風故三章皆以美德為主而仁其政也鬢其容也偲其才也

盧令三章章二句

朱曰賦也

敝笱

古口反

刺文姜也齊人惡魯桓公微弱不能防閑

文姜使至淫亂爲二國患焉

陳啓源曰魯桓弑君自立懼諸侯見討急結婚

于齊以固其位文姜又僖公愛女於其嫁也親送之謹觀其扈從之盛則文姜之驕逸難制可知笱之敝

也不敝於彭生乘公之日而敝於子翬逆女之年詩人推見禍本故不於如齊刺之而於歸魯刺之旨深哉

敝筍在梁其魚魴音房鰓古魂反齊子歸止其從如雲

興也鰓大魚王引之曰下傳魴鰓大魚此亦當云魴鰓陳藏器云似鯉楊州人謂之鰓子魚○陳曰魴鰓

魴鰓皆以喻文姜故傳言大以明經之興義也魴鰓

類之如雲言盛也孔曰敝敗之筍在於魚梁其魚乃是

喻強盛之齊女非微弱之夫所能制文姜初歸其從者庶姜庶士其數衆多如雲然○昶按刺魯桓不能

制文姜於始歸之時諺所云教婦初來也

敝筍在梁其魚魴鰓與齊子歸止其從如雨

魴鰓大魚鄭曰魴似魴而弱如兩言多也陳曰兩無正序云衆

多如雨

敝笥在梁其魚唯唯養水反齊子歸止其從如水

唯唯出入不制

鄭曰行相隨順之貌○孔曰唯唯正

故云出入不制○釋文韓水喻衆也陳曰文姜之歸

詩作遺遺言不能制也

敝笥三章章四句

載驅齊人刺襄公也無禮義故句盛其車服疾驅於

通道大都與文姜淫播其惡於萬民焉孔曰此篇所

時事

載驅薄薄音簞弗朱韞苦郭反魯道有蕩齊子發夕

薄薄疾驅聲也

陳曰車著地輕易之聲著地者微則易轉

輦方文席也

孔

用竹為席

車之蔽曰蒨

陳曰前後闌車用革用竹各有異名此析言之也渾言之

則蒨蔽不

諸侯之路車有朱革之質而羽飾

鄭曰襄公既無

禮義乃疾驅其乘車以入魯竟○陳曰朱鞞亦蒨發也在輿前蔽詩刺襄公故傳著明為諸侯之路車

夕自夕發至旦

陳曰言終夕在道也

四驪濟濟

子禮反

垂轡瀾瀾

乃禮反

魯道有蕩齊子豈

開改反

第

待禮反

四驪言物色盛也濟濟美貌

朱曰驪馬黑色也○陳曰四馬皆驪濟濟猶齊

齊也我馬既同傳同齊也

垂轡瀾瀾之垂者瀾瀾衆也

陳曰蓼蕭傳

也冲冲垂飾貌此轡之垂者正謂降也千旄傳四馬六轡所謂衆也

言文姜于是樂易

然孔曰魯之道路蕩然平易齊子于是樂易然來與兄會曾無慚恥之色故刺之○陳曰釋言豈弟發也發亦樂易之意下文

汶問水湯湯行人彭彭音魯道有蕩齊子翱翔

湯湯大貌陳曰書湯湯洪水洪亦大也漢志泰山郡萊蕪原山禹貢汶水出西南入洙洙即濟

也水經注汶水南徑鉅平縣故城東而西南流城東有魯道詩所謂魯道有蕩者也鉅平在今兗州府甯陽縣東北春秋時魯之成邑此齊入魯境之處彭彭多貌陳曰君行翱翔猶

彷徨也陳曰翱翔雙聲彷徨疊韻

汶水滔滔吐刀行人儻儻表驕魯道有蕩齊子遊敖

滔滔流貌陳曰湯湯言大滔儻儻衆貌陳曰說文行兒傳云衆者

謂行人衆也○胡曰齊人自刺其君但言其車馬馳驟之盛無所指斥而以齊子對照出之所謂言隱而

旨顯也

載驅四章章四句

朱曰賦也

猗嗟刺魯莊公也齊人傷魯莊公有威儀技藝然而不能以禮防閑其母失子之道人以為齊侯之子焉

惠士奇曰莊四年春夫人姜氏饗齊侯于祝邱其年冬公及齊人狩于禚齊有猗嗟之詩為莊公狩而作也

猗嗟昌兮頎而長兮抑若揚兮美目揚兮巧趨蹌兮射則臧兮

猗嗟歎辭

陳漢章曰猗即商頌猗與之猗

昌盛也

鄭曰佼好貌

頎長貌

史記孔子說文王之狀頎然而長頎若定本云頎而若與而義並通也

抑美色

王引之曰抑懿

通爾雅
懿美也揚廣揚孔曰額好目揚眉昶按眉目開朗

巧趨貌說文踰動也○鄭曰減善也○朱曰齊人極

能以禮防閑其母若曰惜乎其獨少此耳○嚴

猗嗟名兮美目清兮儀既成兮終日射食亦侯不出正

征音兮展我甥兮

目上爲名釋訓目下爲清胡曰目上目下謂目之仰

言射不出正故先言目之名清蓋形容其射時審固

之狀○陳曰美目二字通上下句上承名兮下生清

今二尺曰正孔曰正者侯中所射之處○陳曰大射

又設正故鄭司農注司裘以爲侯之身設四尺外孫

之鵠二尺之正四寸之質是正鵠皆在一侯也外孫

曰甥鄭曰成猶備也展誠也姊妹之子曰甥誠我齊

外祖以言也謂不指襄公之身總據齊國為信外孫得稱甥者左傳云以肥之得備彌甥○朱曰此詩人之微詞也桓公三年夫人姜氏至自齊六年九月子同生即莊公也十八年桓公乃與夫人如齊則莊公誠非齊侯之子矣○惠士奇曰夫子刪詩存展我甥兮之語正與春秋書子同生一例

猗嗟變兮清揚婉兮舞則選兮射則貫音慣兮四矢反平聲

兮以禦亂兮

變壯好貌

陳曰云壯好者莊公符禚年十七矣婉好眉目也和按好眉目謂眉目

之清揚也婉為好

選齊

王念孫曰平準書吏道益雜不選謂雜出不齊也必不齊字選是選與齊

同義射時有以弓矢舞之禮以大司樂考之舞當在歌樂之時歌詠其聲舞動其容也○陳曰鄉射之禮五曰興舞據王說則興舞為弓矢舞齊者正也舞位正則與樂節相應韓詩選作纂注言其舞應雅樂也貫中也王念孫曰鄉射禮不貫也四矢乘矢鄭曰反復也禮射三

而止每射四矢皆得其故處此之謂復○孔曰大射皆三番射訖止而不復射每射四矢皆復故處言常中正鵠也○朱曰莊公射藝之精如以金僕姑射南宮長萬可見○呂曰此詩四章譏刺之意皆在言外嗟歎再三莊公所大闕者不言可知矣○方苞曰以禦亂兮辭義凜然蓋責其何不用以復仇討賊也

猗嗟三章章六句

朱曰賦也或問子可以制母乎趙子曰夫死從子通乎其下况

國君乎君者人神之主風教之本也不能正家如正國何若莊公者哀痛以事父誠敬以事母威刑以馭下車馬僕從莫不俟命夫人徒往乎夫人之往也則公哀敬之不至威命之不行耳

齊國十一篇三十四章百四十三句

詩毛氏學八終

詩毛氏學九

國風九

魏

左傳爲之歌魏曰美哉渢渢乎大而婉險而易行以德輔此則明主也○詩譜云魏者虞舜夏

禹所都之地在禹貢冀州雷首之北析城之西周以封同姓焉其封域南枕河曲北涉汾水昔舜耕

於歷山陶於河濱禹菲飲食惡衣服卑宮室此一帝一王儉約之化於時猶存及今魏君嗇且褊急

不務廣修德於民教以義方其與秦晉鄰國日見侵削國人憂之當周平桓之世魏之變風始作至

魯閔元年晉獻公竟滅之以其地賜大夫畢萬自爾而後晉有魏氏○顧棟高曰今山西解州芮城

縣東北有古魏城

葛屨刺褊也魏地陜隘其民機巧趨利其君儉嗇褊

反必淺

急而無德以將之

昶按季札曰以德輔此則明主也是其君無德之證

糾糾反吉黝

葛屨可以履霜摻摻反息廉

女手可以縫裳要

於遙反

之褌反紀力

之好人服之

糾糾猶繚繚也

胡曰說文糾繩三合也繚纏也可知糾為繚纏之狀

夏葛屨冬

皮屨葛屨非所以履霜

鄭曰葛屨賤皮屨貴魏俗至冬猶謂葛屨可以履霜利其

賤也摻摻猶纖纖也

馬曰說文引詩作攬云好手貌韓詩作纖摻纖皆攬之假借

婦

人三月廟見然後執婦功

鄭曰言女手者未三月未成為婦魏俗使未三月婦

縫裳者利其事也

馬曰詩以裳與霜韻故言裳以該衣非謂女專縫裳也

要褌也孔曰要謂

裳要字宜從衣故云褌領也

說文引詩云衣領也○段云褌古止作要褌領也

縫裳也

好人好女手之人

孔曰上云女手此人云好人故云好人好女手之人○陳曰

即之猶縫之也○
和按服者事也

好人提提讀宛於阮反然左辟古避字音壁佩其象揅維是褊

心是以爲刺策音

提提安諦也陳曰爾雅提提安也說文提提諦也提本字提假借字檀弓吉事欲其折折爾鄭

注引詩提提提蓋讀折宛辟貌陳曰婉有委曲順從之貌婦至門夫揖而入

不敢當尊宛然而左辟昏義疏云婦至壻之寢門壻揖以婦入則稍西避之故魏

詩云宛然左辟謂此時也象揅所以爲飾鄭曰婦新至慎於威儀如是使之非禮○昶按

此章前三句申言好人之爲新婦也不然縫裳乃婦人之職何可譏毛於上章云婦人三月廟見正探此

爲訓可見毛讀經之精

葛屨二章一章六句一章五句昶按賦也

汾扶云反沮子預反洳如預反刺儉也其君子儉以能勤刺

不得禮也

釋文及崔集注君下有子字

彼汾沮洳言采其莫

音暮彼其

音訛之子美無度美無度殊

異乎公路

汾水也

王應麟曰水經汾水西至汾陰縣北西入于河入河之處即魏之舊國○陳曰汾陰今山

西蒲州府

沮洳其漸洳者

廣雅漸洳溼也○說文如作澤莫菜也

陸○說文如作澤莫菜也

云莫莖大如箸赤節節一葉今人縲以取蘭緒其味酢而滑可以為羹又可生食五方通謂之酸迷河汾

之間謂之莫○鄭曰於彼汾水漸洳之中采其莫以

為菜是儉以能勤是子之德美無有度言不可尺寸

路車也

馬曰周官巾車掌王之五路車僕掌戎車之

二公路掌路車主居守公行掌戎車主從行不必其為一官

彼汾一方言采其桑彼其之子美如英美如英殊異乎

公行

萬人爲英

陳曰正義引尹文子萬人爲英與繁露淮南說英同○昶按如英者非真英也譏詞

公行從公之行也

孔曰宣二年晉成公立乃宦卿之適子以爲公族又宦其餘子亦爲

餘子其庶子爲公行○嚴曰或以公路等皆晉官疑

魏風皆晉詩猶邶鄘皆衛詩非也季札觀樂邶鄘皆

爲衛風而魏與唐異知魏風非晉矣○姜炳章曰晉有公行齊亦有公行安見魏必無之

彼汾一曲言采其蕢

音續

彼其之子美如玉美如玉殊異

乎公族

蕢水鳥也

說文同○胡曰爾雅蕢牛唇陸璣云今澤蕢也別有渝蕢郭注今澤蕢神農本草澤

瀉一名水瀉蘇頌圖經云澤瀉春生苗多在淺水中葉似牛舌草爾雅謂之蒲蓋一物數名

公族

公屬

鄭曰主君同姓昭穆也○許謙曰大夫而爲細民之事是急於利而用心褊也彼其之子雖美

奈奪民之利何此其所以興刺也○錢澄之曰非必大夫自采其家人采之耳以大夫之家而下侵小利如此與孟獻子所謂畜馬乘不察於雞豚者遠矣

汾沮洳三章章六句

昶按賦也

園有桃刺時也大夫憂其君國小而迫而儉以嗇不能用其民而無德教日以侵削故作是詩也

園有桃其實之殽音交心之憂矣我歌且謠不我知者謂我士也驕彼人是哉子曰何其心之憂矣其誰知之其誰知之蓋亦勿思

興也園有桃其實之食國有民得其力

胡曰經文殽本作肴說文

肴食也以園桃可食興民力可用取義深隱故毛以爲興

曲合樂曰歌徒歌曰謠

孔曰釋樂徒歌謂之謠謠既徒歌則歌不徒矣歌者合於琴瑟也對文如此散則歌爲總名○胡曰秦誓疏士者男子之大號古者卿大夫皆可稱士○陳曰驕慢也夫人謂我欲何爲乎昶按傳釋子曰何其句也以夫人釋子字以謂我釋曰字以何爲釋何其字子蓋斥不我知者上句彼人與我士對文箋云彼人謂君是也子以我士爲驕彼人豈果是哉而子乃謂我歌謠何爲乎○陳曰其亦皆語助蓋與盍同盍何也言何勿思侵削之由

園有棘其實之食心之憂矣聊以行國不我知者謂我士也罔極彼人是哉子曰何其心之憂矣其誰知之其誰知之蓋亦勿思

棘棗也

說文小棗叢生者○朱曰聊且略之辭

極中

也

昶按罔極謂憂之太過非中道○方苞曰古者庶人謗士傳言故鄭人游於鄉校以議執政而道微

俗敝人多溺於習見轉以持祿榮身者爲是而以囂囂自得正言不諱者爲驕爲罔極所以失其是非之心而不知其可憂者以未思政敗民流則亂亡隨其後耳

園有桃二章章十二句

陟岵

音戶

孝子行役思念父母也國迫而數侵削役乎

大國父母兄弟離散而作是詩也

鄭曰役乎大國爲大國所徵發

陟彼岵兮瞻望父兮父曰嗟予子

句

行役夙夜無已

句

上慎旃哉猶來無止

山無草木曰岵

鄭曰孝子行役思其父之戒乃登旃彼岵山以遙瞻望其父所在之處旃

之

朱曰上猶尚也○陳曰旃之聲相轉

猶可也

陳曰釋言猷猷猶通父尚義按

行役雖夙夜不已然勿止息則終有來時是勉以義也

陟彼屺

起音

兮瞻望母

反滿以

今母曰嗟予季行役夙夜無

寐上慎旃哉猶來無棄

山有草木曰屺

孔曰釋山多草木岵無草木屺傳與爾雅正反當是轉寫誤也○馬曰說

文與爾雅同釋名山有草木曰岵岵者怙也人所怙取以為事用也山無草木曰屺屺也無所出生也

屺爾雅作岵古讀亥如己故通用岵之言芟基也基芟初具未有草木也釋文云王肅依爾雅疑王肅所

見本未誤非必王肅改也

季少子也

韓詩說云年二十行役三十受兵六十還兵

無寐

無耆寐也

陳曰說文癯孰寐也讀若悸者寐即孰寐夙早也早夜天未明而早起故無孰寐

母尚恩也

和按念其不能甘寢又慮其棄家不還皆尚恩之意

陟彼岡兮瞻望兄

反虛王

今兄曰嗟予弟行役夙夜必偕

舉里反

上慎旃哉猶來無死

偕俱也

蘇轍曰必與同役者偕無獨行也

兄尙親也

和按不失伍庶無不測之憂矣

親親故其言如此○輔廣曰思其父思其母思其兄既想像其念己之言又想像其祝己之言曰庶幾其

謹之哉則斯人也必能以其親之心爲心亦可謂賢矣

陟岵三章章六句

朱曰賦也

十畝之閒刺時也言其國削小民無所居焉

水經注故魏國

城南西二面並去大河可二十餘里北去首山十許里處河山之閒土地迫隘故魏風著十畝之詩○和按地既褊小又見侵削民居且不足何以爲國矣水經注所言與序同特辭未備爾

十畝之閒兮桑者閑閑兮行與子還旋

音今

嚴曰或謂井廬邑居各二畝半合爲五畝之宅八家則在井者二十畝在邑者亦二十畝一處本共有二十畝之桑今止閑閑然男女無別往來之貌

胡曰莊子大知

閑閑小知閑閑簡文云閑閑廣博之貌閑閑有或行
所閑別也然則廣博者無所閑別與傳義合
來者或來還者陳曰或行來者釋經之行字或來還者釋經之還字○昶按此言民無定居遷徙靡常也國迫而數見侵削其民有自他處行來者有既去而復來還者往來雜還男女無別閑閑泄泄然陟岵序所謂父母兄弟離散也生聚不足更何論教訓乎蓋魏地磽瘠多山或民居狹隘子壯出分或強隣虜虐避寇內入是皆遷徙之由

十畝之外兮桑者泄泄以世反今行與子逝兮

泄泄多人之貌胡曰說文沓沓皆訓多言孟子泄泄猶沓沓也說文沓語多沓沓也多言
由於多人故傳又以爲多人之貌多人無別二傳亦互相足○昶按上章主來者言故曰十畝之閒此主去者言故曰十畝之外有行來者有來而復去者泄泄多人見流離之衆非富庶之謂

十畝之閒二章章三句朱曰賦也

伐檀刺貪也在位貪鄙無功而受祿君子不得進仕

爾

王吉上疏云今使俗吏得任子弟率多驕驚不通古今至於積功治人亡益於民此伐檀所為作也

王吉學韓詩

與毛義同

坎坎伐檀兮寘之河之干兮河水清且漣

力麤反

猗不稼

不穡胡取禾三百廛兮

周禮故書廛為壇

不狩不獵胡瞻爾庭

有縣

音桓

兮彼君子兮不素餐兮

坎坎伐檀聲寘置也干厓也

陳曰說文厂山石之厓厓人可居籀文作厓干

者厓之省假厓謂厓岸也

風行水成文曰漣

陳曰爾雅河水清且漣猗大波為瀾釋文

引說文作大波為瀾或作漣是瀾漣同字

伐檀以俟世用若俟河水清且

漣

鄭曰是謂君子之人不得進仕也○孔曰下二章言伐輻伐輪則此伐檀為車之輪輻左傳云俟河

之清人壽幾何易緯云王者太平嘉瑞之將出則河水先清是河水稀清故以喻明君稀出也○昶按伐檀為車將以行也乃置之河干一若種之曰稼斂之欲俟河清然後出者則恐無其時矣種之曰稼斂之

曰穡孔曰散則相通一夫之居曰廛陸曰古者一夫田百畝別受都邑五畝之地居

之故孟子云五畝之宅是也○陳曰廛有市廛園廛兩義此為園廛之宅義同一夫之廛即五畝之宅也

三百廛言三百夫耳狙獸名釋獸狙子狙○鄭曰是謂在位貪鄙無功而受祿也冬獵曰狩宵田

曰獵胡何也貉子曰狙○郝懿行素空也方苞曰言曰貉借作貉說文貉似狐善睡獸

人之不然也○陳曰素白也空以盛實與白可受采同意故素謂之白又謂之空也○孟子曰君子居是

國也其君用之則安富尊榮其子弟從之則孝弟忠信不素餐兮孰大於是

坎坎伐輻音福兮寘之河之側兮河水清且直猗不稼不

穡胡取禾三百億兮不狩不獵胡瞻爾庭有懸特兮彼

君子兮不素食兮

輻檀輻也

陳曰鄭注考工記今世輻以檀側猶厓也

直直波也

釋水直波為徑也萬萬曰億孔曰今數然說文波水涌流也

術皆以萬萬為億箋十萬曰億合古數言之○陳曰露積曰庾三百億者露積之數也○昶按此設辭非

事實故傳從其多者言之獸三歲曰特盧文弨曰齊傳云三歲曰

此傳三當作四四古作三○春秋繁露曰不素食兮先其事後其食謂治身也

坎坎伐輪兮寘之河之漚

順倫反

兮河水清且淪猗不稼

不穡胡取禾三百困

上淪反

兮不狩不獵胡瞻爾庭有懸

鵜

音純兮彼君子兮不素殮

素門反兮

檀可以為輪

陳曰輪謂牙也鄭溥厓也說文引詩小司農云牙謂輪輶

風水成文轉如輪也

釋水小波為淪○韓詩圓者為順流而風曰淪淪文貌

困

說文同○陳曰

鶉鳥也

釋鳥鶉鶉李巡謂三百圓倉也

孰食曰殮

孔曰傳意以殮為殮饗之殮○范處義曰詩人本以是詩刺貪謂在位者皆貪鄙之人無功而得祿而君子乃不得進仕失其所矣非謂君子自為伐檀之事也○孔叢子於伐檀見賢者之先事後食也

伐檀三章章九句

折中云此也

碩鼠刺重斂也國人刺其君重斂蠶食於民不脩其

政貪而畏人若大鼠也

陳曰鹽鐵論云周末有履畝之稅碩鼠之詩作潛夫論云

履畝稅而碩鼠作三家義與毛序刺重斂合○昶按朱子謂此亦託於碩鼠刺其有司之辭碩鼠自指有司然刺有司即是刺君不必以辭害意

碩鼠碩鼠無食我黍三歲貫女莫我肯顧逝將去女適

彼樂土樂土樂土爰得我所

陳曰爾雅作鼯鼠易晉如鼯鼠鄭注卽引此詩是碩鼯同也郊特牲云迎貓爲其食田鼠也逸周書云田鼠不化驚國多貫事也釋詁文○陳曰言三歲所耕貪殘與詩義合貫事也獲以事君而君乃重斂不肯顧我也逝速也○昶按古者三年耕必有一年之食今以重斂故統三歲計之無有蓋藏故興刺

碩鼠碩鼠無食我麥三歲貫女莫我肯德逝將去女適

彼樂國

古通反

樂國樂國爰得我直

直得其直道

昶按序云不修其政則民多枉得我直則遂其生矣

碩鼠碩鼠無食我苗三歲貫女莫我肯勞逝將去女適

彼樂郊樂郊樂郊誰之永號

苗嘉穀也

陳曰何注公羊云苗者禾也生曰苗秀曰禾○鄭曰不肯勞來我

號呼也

和按既適樂郊當復爲誰而永號
則今之號猶冀其聞而知改也

碩鼠三章章八句

朱曰此也

魏國七篇十八章百二十八句

詩毛氏學九終

詩毛氏學十

國風十

唐左傳爲之歌唐曰思深哉其有陶唐氏之遺民乎不然何憂之遠也非令德之後誰能若是○

詩譜云唐者帝堯舊都之地今日曰太原晉陽是堯始居此後乃遷河東平陽成王封母弟叔虞於堯之故墟曰唐侯南有晉水至子燹改爲晉侯其封域在禹貢冀州太行恆山之西太原太岳之野至會孫成侯南徙居曲沃沃近平陽焉當周公召公共和之時成侯會孫僖侯甚嗇愛物儉不中禮國人閔之唐之變風始作其孫穆侯又徙於絳云○孔曰左傳曲沃莊伯伐翼杜注翼晉舊都在平陽絳邑縣東穆侯徙絳昭侯以下又徙於翼及武公并晉又都絳也○朱右曾曰晉陽今太原縣曲沃故城在今聞喜縣東絳在今太平縣南古晉城是也翼在今翼城縣東南

蟋音蟀所律刺晉僖公也儉不中禮故作是詩以閔

之欲其及時以禮自虞樂也此晉也而謂之唐本其

風俗憂深思遠儉而用禮乃有堯之遺風焉胡曰孔叢子引

孔子曰於蟋蟀見陶唐儉德之大也左傳鄭伯享趙孟印段賦蟋蟀趙孟曰善哉保家之主也鹽鐵論引

孔子曰不可太儉極下此蟋蟀所為作地理志云參為晉星其民有先王遺教君子深思小人儉陋故唐

詩蟋蟀山樞葛生之篇皆思奢儉之中念死生之慮足證序說之古

蟋蟀在堂歲聿其莫音暮今我不樂日月其除無已大康

職思其居好樂無荒良士瞿瞿

蟋蟀俱勇反也釋蟲文郭注今促織也九月在堂孔曰七月篇說蟋蟀九月

在戶近戶之地亦名堂也禮聿遂陳曰聿與曰通其義皆可訓遂遂亦

詞除去也朱曰今蟋蟀在堂而歲忽已晚矣當此已之時而不為樂則日月將舍我而去矣

甚陳曰已者康樂職主也並釋詁文○鄭曰君雖當

謂以禮樂自居也○孔曰二章傳以外為禮樂之外則其居

作尚是職與尚通傳訓職為主主亦尚也見國語注

君子之於禮樂斯須不去身故所居謂禮樂矣好樂

無荒樂之情也良士瞿瞿禮之意荒大也陳曰廣雅

也下章傳言禮樂實能發明經旨荒大也荒

與允通○和按好樂無瞿瞿然顧禮義也釋訓瞿瞿

大覆說上無甚大樂也瞿瞿然顧禮義也休休儉也

李巡注皆良士顧禮節之儉也○和按此覆說上職

思其居也傳未釋其居故於此言之瞿瞿然顧禮義

是形容思其居之狀

蟋蟀在堂歲聿其逝今我不樂日月其邁無已大康職

思其外好樂無荒良士蹶蹶俱衛反

邁行也陳曰邁行外禮樂之外謂政刑等事蹶蹶

動而敏於事

釋訓蹶蹶敏也○和按思政刑故以動敏言之

蟋蟀在堂役車其休今我不樂日月其慆

他悠反

無已大

康職思其憂好樂無荒良士休休

鄭曰庶人乘役車役車休農功畢無事也○孔曰春官注役車方箱可載任器以供役

慆過也

馬曰慆為滔之假借說文滔水漫漫大貌大則易失之過故過又大義之引申也

憂可憂也

鄭曰謂鄰國侵伐之憂○和按毛義該廣箋舉其大者言之非與傳異

休休樂道之心

和按思其可憂則其心休休然樂道而不失之侈故雅訓休休為儉也此詩前四句皆刺僖公之徒儉後

四句反復申明明儉而用禮乃有堯之遺風也

蟋蟀三章章八句

朱曰賦也

山有樞

鳥侯反

刺晉昭公也不能脩道以正其國有財

不能用有鐘鼓不能以自樂有朝廷不能洒埽政荒
民散將以危亡四鄰謀取其國家而不知國人作詩
以刺之也孔曰四鄰即桓叔謀伐晉是也沃雖一國亦四鄰之一○呂曰詩人豈真欲昭公馳驅飲樂者蓋曰是物也行且為他人有曾不若及今為樂之為愈其激發感切之者深矣○昶按鄰即臣哉鄰哉之鄰

山有樞隰有榆

容侯反

子有衣裳弗曳

以世反

弗婁

力侯反

子

有車馬弗馳弗驅

祛婁反

宛

以阮反

其死矣他人是愉

容侯反

興也樞莖

田節反

也

釋木文郭注今之刺榆

國君有財貨而不能

用如山隰不能自用其財

馬曰山隰有材木以供人之用正以興下他人是愉

婁亦曳也

陳曰婁樓假借玉篇引詩正作樓

宛死貌

馬曰釋文宛亦作苑淮南子百

節莫苑高愉樂也釋詁注苑病也

山有栲去九反隰有杻女九反子有廷內弗洒弗埽蘇九反

有鍾鼓弗鼓弗考宛其死矣他人是保補九反

栲山樗釋木文陸璣曰葉如櫟皮厚數寸可為車輻或謂之栲櫨杻釋木文郭注似

棟材中車輻陸璣曰說文洒滌也○王引之材可為弓弩幹也洒灑也曰廷與庭通庭內謂庭

與堂室非考擊也陳曰考讀為攷謂庭之內保安也

山有漆音隰有栗子有酒食何不日鼓瑟且以喜樂且

以永日宛其死矣他人入室

君子無故琴瑟不離於側孔曰君子總謂大夫士以上永引也陳曰

永日猶引年引亦長也○昶按昭侯立六年潘父弑之其後六十一年為曲沃所滅凡立五君被弑者四

詩人見於幾先故有宛其死矣之歎非故作曠辭也

山有樞三章章八句

揚之水刺晉昭公也昭公分國以封沃沃盛彊昭公

微弱國人將叛而歸沃焉

嚴曰時沃有篡宗國之謀而潘父陰主之將為內應

此詩正發潘父之謀其忠告於昭公者可謂切至○胡曰叔于田刺鄭莊而詩反似言叔段之美揚之水椒聊刺晉昭而詩反似言桓叔之美蓋其美者非真美也彼以大都耦國孽子傾宗而不早為之所其可刺孰甚焉序云刺昭公是國史推見至隱之語其下云沃盛彊云云乃是據事直書

揚之水白石鑿鑿

子洛反

素衣朱襮

音博

從子于沃既見君

子云何不樂

興也鑿鑿然鮮明貌

陳曰鑿讀為鑿說文糯米一斛春為八斗曰粲為米六斗大半

斗曰粲故鮮明謂之粲亦謂之鑿○胡曰激揚之水微弱無轉石之力徒使之鮮明潔白以興昭公微弱無制桓叔之權褻領也釋器黼領謂之褻○說文同 諸侯繡黼丹徒坐視其彊盛

朱中衣

郊特牲云繡黼丹朱中衣大夫之僭禮也鄭注繡黼丹朱以為中衣領緣也孔疏中衣謂

冕及爵弁之中衣以素為之繡黼為領丹朱為緣○陳曰必言諸侯者禮唯諸侯中衣則然桓叔服此其僭孰甚 沃曲沃也鄭曰國人欲進此服去從桓叔君子謂桓叔

揚之水白石皓皓

胡九反

素衣朱繡從子于鵠

古谷反

既見

君子云何其憂

皓皓絜白也

馬曰說文無皓字日部皓日出兒稱繡黼日色之光白引申為凡絜白之稱繡黼

也

陳曰朱即丹朱繡即繡鵠曲沃邑也孔曰曲沃言繡也繡與黼共為刺文

無憂也

陳曰叛者之辭

揚之水白石粼粼

列新反

我聞有命不敢以告人

粼粼清澈也

說文粼水生厓石間粼粼也玉篇粼水清貌粼粼同

聞曲沃有

善政令不敢以告人

陳曰下篇序云能脩其政是有善政令也又云知其蕃衍盛大

子孫將有晉國是即不敢告人之故定十年傳侯犯以郕叛叔孫謂郕工師駟赤曰郕非叔孫氏之憂社

稷之患也將若之何對曰臣之業在揚之水卒章之四言矣侯犯據郕叛魯與桓叔據沃叛晉相似駟赤

畏侯犯特詠此詩以明己意則知作詩之人斷非從叛之人荀子云迫脅於亂時窮居於暴國而無所避

之則崇其美揚其善違其惡隱其敗言其所長不稱其所短以爲成俗詩曰國有大命不可以告人妨其

躬身荀子引詩與毛義合

揚之水三章二章章六句一章四句

椒聊刺晉昭公也君子見沃之盛彊能脩其政知其

蕃衍盛大子孫將有晉國焉

嚴曰此詩言桓叔之疆而不及昭公其意則憂

昭公之弱而非主桓叔言在此而意在彼也

椒聊之實蕃衍盈升彼其之子碩大無朋椒聊反且

子餘反遠條徒求反且

興也椒聊椒也

段曰椒聊疊韻單言曰椒桑呼曰椒聊○胡曰椒聊即爾雅之科者聊科

與萊同爾雅又云萊機醜萊鄭樵注此類結子成球朵也說文萊萊機裏如裘也皆謂其實叢生攢族為

萊耳漢官儀云椒朋比也鄭曰之子謂桓叔○陳曰房取其蕃實之義朋比也碩亦大也比為比方之比

條長也

鄭曰椒之氣日益遠長似桓叔之德日益廣博○陳曰脩長也條與脩皆從攸聲故二字

同訓

椒聊之實蕃衍盈匊

九六反

彼其之子碩大且篤椒聊且

遠條且

兩手曰𢶏

說文在𢶏手曰𢶏

篤厚也

釋詁文○陳曰昭廿六年傳晏子曰陳氏厚施焉民

歸之矣後世若少情陳氏而不亡則國其國也已厚施與傳篤厚之訓合言聲之遠聞也

陳曰六字本當在條長也之下後人誤奪

椒聊二章章六句

綢

直留反

繆土侯反刺晉亂也國亂則婚姻不得其時焉

綢繆束薪三星在天

音汀

今夕何夕見此良人子讀茲今子

今如此良人何

興也綢繆猶纏綿也

陳曰古今語也皆疊韻字

三星參也

天官書云參三

星直者為衡石

在天謂始見東方也

馬曰古者自九月霜降逆女至二月冰判為婚

姻之期正值參在天在隅在戶之時故嫁娶以參為候男女待禮而成若薪芻

待人事而後束也蘇轍曰合異姓以為婚姻譬如錯取衆薪綢繆固之而後可以望其

也合三星在天可以嫁娶矣孔曰毛以秋冬為婚時良人美室也

胡曰良訓善男女皆可通稱漢外戚傳有美人良人當即因詩而有此稱○王肅曰婚姻不得其時故思

詠嫁娶之夕而欲見此邂逅言見此婦之會合也是皆

之思詠也次章見此邂逅言見此婦之會合也是皆

設為旁觀之辭子兮者嗟茲也王引之曰嗟茲即嗟說文

茲乎尚書大傳嗟子乎楚策嗟乎子乎義並同○陳

曰嗟茲釋子字子者嗟之假借○孔曰如何猶奈何

言三星在天之月不得見此良人當奈之何乎

反
綢繆束芻窗侯三星在隅魚侯今夕何夕見此邂逅豆胡

子兮子兮如此邂逅何

隅東南隅也

孔曰謂十一月十二月也○陳曰邂逅參星在天自東而南故昏見於隅邂逅

解說之貌

釋文作解觀說文無邂逅字○胡曰淮南注解構猶會合傳訓解說亦因會合而心

解意說耳

綢繆束楚三星在戶今夕何夕見此粲者

古者

子兮子

今如此粲者何

參星正月中直戶也

孔曰月令孟夏之月昏參中是參星直戶在正月中也○陳曰

夏小正漢案戶傳案戶也者直戶也言正南北也蓋中星皆以南方之中過中為下古者為戶於室東南

隅參星昏見當戶則南北直而徧東也

三女為粲

說文三女為效效美也

大夫一

妻二妾

孔曰周語女三為粲粲者衆女之美稱也曲禮大夫不名姪娣大夫有妻有妾○陳曰傳

引三女為粲以證粲字之義云大夫一妻二妾又申明三女之義白虎通義亦云卿大夫一妻二妾○昶

按晉以國亂自庶民以至卿大夫家多有怨曠之男女故詩人歎之大夫可以買妾而今亦無奈之何甚言之也

綢繆三章章六句

杖徒細反杜刺時也君不能親其宗族骨肉離散獨居

而無兄弟將為沃所并爾

有杜之杜其葉湑湑私敘反獨行踽踽俱乎反豈無他人不

如我同父嗟行之人胡不比焉人無兄弟胡不攸七利反

焉

興也杜特貌釋文特下無生字杜赤棠也釋木文湑湑枝葉不

相比也孔曰裳裳者華亦云其葉湑湑今則湑湑與菁菁皆茂盛貌傳於此云湑湑枝葉不相比下

言菁菁葉盛互相明耳言葉雖茂盛而踽踽無所親
枝條稀疏疏以喻宗族雖彊不相親暱也
也說文引詩云疏行貌飲助也廣雅比飲代也○呂曰苟以他
不自相親比也凡人無兄弟者胡不外求飲助也蓋
深曉晉君以行道之人必不相親比必不相飲助信
乎豈無他人不如我同父矣○和按凡人薄其所
厚則他人亦必不肯相親非謂他人之可薄也
有杖之杜其葉菁菁獨行曷曷求營反豈無他人不如我
同姓嗟行之人胡不比焉人無兄弟胡不飲焉

菁菁葉盛也

陳曰葉盛而枝弱

曷曷無所依也

釋文一作覺○馬曰說文

趨獨行也讀若覺同姓同祖也孔曰上云同父故知
覺曷皆趨之假借同姓同祖也同姓為同祖○和按
曲沃武公弑三君而并晉武公與孝侯為同曾祖
兄弟故第舉同祖言之篡逆之罪在所深絕也

杖杜二章章九句

羔裘刺時也晉人刺其在位不恤其民也鄭曰恤憂也○范處

義曰作是詩者蓋與在位之人有舊好是以原其爲民設官之意以告之冀其必聽也

羔裘豹祛起居反自我人居居豈無他人維子之故

祛祛也

孔曰祛是袖之大名祛是袖口之小稱其通皆爲祛

本末不同與民異

心

孔曰裘身是本裘祛爲末其皮既異是本末不同喻在位與民異心也○陳曰襄十四年傳余不說

初矣余狐裘而羔袖裘袖不同自用也孔曰釋詁由物言始終不同徹與傳意略同

訓爲用故自得爲用也

居居懷惡不相親比之貌

釋訓居居究究惡也李巡

注居居不狎習之惡○鄭曰羔裘豹袖在位卿大夫之服也其役使我之民人其意居居然有悖惡之心

不恤我之困苦無他人可歸往者乎我不去者乃念子故舊之人○昶按詩意譏在位者服羔裘而豹

袖其用民居居然不相親比亦與此裘祛同也

羔裘豹褻

徐究反

自我人究究豈無他人維子之好許九反

褻猶祛也

說文祛也

究究猶居居也

鄭曰我不去而歸往他人民之厚如此亦

唐之遺風○孔曰北風刺虐云攜手同行碩鼠刺貪云適彼樂國此則念其恩好不忍歸他人之國猶有

帝堯遺化故風俗淳也

羔裘二章章四句

朱曰賦也

鴇音保羽刺時也昭公之後大亂五世君子下從征役

不得養其父母而作是詩也

朱子初說曰昭公之後有孝侯鄂侯哀侯小子

侯及哀侯之弟緡凡五世○胡曰桓八年王命號仲立哀侯之弟緡於晉九年號仲芮伯梁伯荀侯賈伯

伐曲沃皆所謂王事也此詩當作於最後之世

肅肅鴇羽集于苞栩

況羽反

王事靡盬

皆古

不能蓺

魚世反

稷

黍父母何怙

音戶

悠悠蒼天曷其有所

興也肅肅鵠羽聲也

陳曰以經言鵠羽故云鵠羽聲

集止

陳曰全詩通訓始見

於葛覃而無傳此因欲言

苞積

釋言文孫注物叢生苞積曰苞齊人名曰積

鄭曰積者根相迫迫相致也

栩杼也

釋木文陸璣曰今桤之性不

樹止

釋文鵠似鴈而大無後趾○孔曰鵠鳥連蹄

鹽

不攻綴也

陳曰鹽與蠱苦義並同不攻綴即不堅固

力焉既則罷倦怙恃也

釋言文○孔曰父母當何恃不能播種五穀

成乃告於天曰何時乎使我得其所免此征役

肅肅鵠翼集于苞棘王事靡盬不能藝黍稷父母何食悠悠蒼天曷其有極

肅肅鵠行集于苞桑王事靡盬不能藝稻梁父母何嘗
悠悠蒼天曷其有常

行翮也

孔曰鳥翮之毛有行列故稱行○范祖禹曰曷極言勞役之無已曷常思休息以反其常

鵠羽三章章七句

無衣美晉武公也武公始并晉國其大夫爲之請命

乎天子之使而作是詩也

鄭曰天子之使是時使來者○孔曰晉世家稱武公

厚賂周僖王僖王乃賜之命是於法不當賜之美之者其臣之意美之耳○章炳麟曰詩美武公蓋言其猶稟王命非美其奪宗竊國也觀其辭旨所謂豈曰無衣七兮言非不能自尊也能自尊而必請命于王則猶愈于驕然恣行者此在盛世則當誅而在衰世則可美所以爲變風也

豈曰無衣七兮不如子之衣安且吉兮

侯伯之禮七命冕服七章

孔曰晉唐叔之封爵稱侯故請七章之衣春官典命

云侯伯七命其國家宮室車旗衣服禮儀皆以七為節

諸侯不命於天子則不

成為君

鄭曰武公初并晉國心未自安故以得命服為安○孔曰必請衣者文元年天王使毛伯

來錫公命公羊傳命者何加我服也○陳曰春秋邾儀父鄭黎來蕭叔介葛盧皆微國之君未爵命故不

書爵此不成為君之義也

豈曰無衣六兮不如子之衣安且燠

於六兮反

天子之卿六命車旗衣服以六為節

陳曰典命云王之卿六命及其

出封加一等天子之卿即侯伯也天子之卿六命出封侯伯加一等則七命晉為侯伯之國實七命其在

王朝則亦就六命之數蓋燠煖也○釋言文○陳曰子詩人以六七分章實一意燠煖也○武公也武公既

得命服故曰安且吉安且燠○范家相曰假衰微之命服以飾篡奪之惡名他日韓趙魏之分晉與田氏

纂齊皆襲其故智此春秋一大關係也

無衣二章章三句

朱曰賦也

有杕之杜刺晉武公也武公寡特兼其宗族而不求

賢以自輔焉

戴溪曰武公翦滅宗國孤立無助猶杜也當時賢者必有不義其事相率而

去之者故詩人以爲刺

有杕之杜生于道左彼君子兮噬肯適我中心好之曷

飲食之

興也道左之陽人所宜休息也

陳曰杕然之杜其枝葉足以庇陰人生於

道左之陽衆人得休息之興者喻人君有國賢者宜歸往之刺今之不然也

噬逮也

韓詩作逝

云及也○胡曰噬者逝之假借爾雅作邁謂及今可以適我乎○蘇曰苟誠好之曷不試飲食之

有杖之杜生于道周彼君子今噬肯來遊中心好之曷飲食之

周曲也

王應麟曰韓詩訓周爲右○馬曰道阻且右箋云右者言其迂迴迂迴卽屈曲也傳訓曲

與右義相近

遊觀也

陳曰遊觀義同

有杖之杜二章章六句

葛生刺晉獻公也好攻戰則國人多喪矣

孔曰獻公以莊十八

年立僖九年卒左傳伐驪戎滅耿滅霍滅魏伐東山臯落氏滅下陽圍上陽滅虢執虞公敗狄于采桑是

其好攻戰也

葛生蒙楚藪

音廉

蔓于野

音宇

予美亡此誰與獨處

興也葛生延而蒙楚

陳曰葛絺綌給草也蒙覆也楚木也

藪生蔓於野

陸璣曰蘇似枯樓葉盛而細其子正黑如燕薹不可食也○孔曰二句互文而同興皆是蔓草發此蒙彼喻婦人外成於他家白虎通云嫁者家也婦人外成以出適人為家○鄭曰言我所美之人無於此謂其君子也吾誰與居乎獨處家耳從軍未還未知死生○馬曰少儀鄭注亡去也亡此猶云去此箋訓為無蓋亦棄亡之義○陳曰稱夫謂美猶稱夫謂良誰與即獨處陳不遠伊邇莫怨具慶云徂何往孔淑不逆句法相同

葛生蒙棘藪蔓于域予美亡此誰與獨息

域塋域也

馬曰塋墓地又為界域之通稱小宗伯北

五帝於四郊鄭注北為壇之塋域小司徒乃分地域注分地域謂建邦國造都鄙制鄉遂也疏謂建邦國之等各有所塋域此承于野言即為野之塋

域非指

息止也

和按止息謂夜也易君子以嚮晦入

墓地

宴息此章夜下章日末二章日夜即

角枕粲兮錦衾爛兮予美亡此誰與獨旦

齊

同

時則角枕錦衾

胡曰齊用角枕錦衾未見所出王風正義云毛時書籍尚多必

有所據此語可為讀傳之通例

禮夫不在斂枕篋衾席韞又作而藏

之

孔曰內則云夫不在斂枕篋簞席韞而藏之此傳引彼變簞為衾順經衾文○陳曰以言夫從征役

既缺時祭婦人斂藏枕衾乃特假夫在齊物以起興爾○昶按角枕錦衾為重物故用於齊祭傳必言齊

時者思夫而及枕衾近褻故明此為夫齊時所用又引禮夫不在則斂枕衾而藏之探下亡此為訓若曰

彼粲兮之枕爛兮之衾今韞藏已久矣枕貯於匣謂之枕篋也衾與席納於韞謂之衾席韞也韞者韞也

獨曰猶言獨處終日

夏之日冬之夜

音

百歲之後歸于其居

言長也

鄭曰思者於晝夜之長時尤甚故極之以盡情居墳墓也言此者婦人專一義之至情之

盡

冬之夜夏之日百歲之後歸于其室

室猶居也

祖按居不訓墳墓以百歲後所歸之居則墳墓也此言夏日冬夜永相聚當期之死

後耳

葛生五章章四句

采苓刺晉獻公也獻公好聽讒焉

范處義曰晉獻公好聽讒惟驪姬之事

為最著由詩人之言考之正指其事也

采苓采苓首陽之巔

德因反

人之為言苟亦無信舍旃舍

旃苟亦無然人之為言胡得焉

興也苓大苦也

簡今同

首陽山名也

金鶚曰曾子云夷齊居河濟之閒莊

子云夷齊北至首陽之山首陽在平陽地近河濟又在蒲坂之北與曾子莊子所言皆合謂首陽在蒲坂者非○陳曰晉都平陽故詩人遂以晉山爲興采苓細事也首陽幽辟也細事喻小行也幽辟喻無徵也鄭曰采苓之人衆多非山之上首陽山之上信有苓矣然而今之采者未必於此山興者喻事有似而非○昶按夷齊辟世而至首陽是幽辟也以其名勝故多附託下至采苓苦荇者隨處皆有今必曰采之於首陽此等細事幽辟之地有何可徵以興讒言之無徵驗亦猶是也小行且然况大事乎人之爲言胡得焉究其何從而來所謂無徵也苟誠也陳曰苟謂之誠猶果謂之誠也苟果一也聲之轉○昶按苟亦無信謂人言誠亦未可信也苟亦無然誠不如是也○范家相曰序云獻公信讒是明爲申生作也人者指驪姬而外之欲公之無信其欺也舍旃舍旃冀其舍申生之罪而徐察之也人之爲言胡得焉謂驪姬處深宮之內申生與人謀議之密言何由得至其耳以告於君蓋優施教姬之語隱然亦在言下矣詩與國語正可互證

采苦采苦首陽之下音人之爲言苟亦無與舍旃舍旃

苟亦無然人之爲言胡得焉

苦苦菜也

孔曰此茶也陸璣曰苦菜生山田及澤中得霜恬脆而美所謂堇荼如飴無與

勿用也

陳曰無讀爲毋與讀爲以以者用也

采葑采葑首陽之東人之爲言苟亦無從舍旃舍旃苟亦無然人之爲言胡得焉

葑菜名也

陳曰葑須從也其葉可食○胡曰首章不信其言二章不用其言三章不聽從其言

而皆繼之以苟亦無然者斷其無是事理也

采苓三章章八句

唐國十二篇三十三章二百三句

詩毛氏學十終